

Inatsisartut suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Efterskole Villads Villadsen aamma Maniitsumi efterskoli aningaasartuutitigut qanoq immikkoortillugit agguataariffigineqarsimappat ?**
- 2. Nunanit allanit ilinniartuuteqarsinnaanerit qanoq pilersaaruteqarfigineqarpat ?**

(Inatsisartuni ilaasortaq Jess Svane, Siumut)

Tungavilersuut:

Kalaallit nunaanni efterskolit marluusut Efterskole Villads Villadsen aamma Maniitsumi efterskoli, ilinniartoqarnikkut amerlassutit eqqarsaatigalugit assigiinngitsumik amerlassusilinnik ilinniartoqarsinnaapput.

Qasigiannuani Efterskole Villads Villadsen-i 80-nut inissaqarpoq, Maniitsumi efterskoli 72-nut inissaqarluni, aningaasartuutitigut atugassarititaasut qanoq agguatariffiunersut paaserusuppakka, Aningaasanut Inatsimmi ataatsimut aningaasalersugaanerit isumaqarama takussutissaqartariaqartoq.

Taamatullu nunatta avataaniit ilinniartoqarsinnaanerit siunissami periarfissiissutigissallugu Naalakkersuisut pilersaaruteqarnerisut paaserusullugu, isumaqarama nunatta avataaniit ilinniartoqarsinnaanerit aqutissiuunneqarpat, tamanna ilinniartunut nunatsinninngaaneersunut iluaqutaassasoq assersuutigalugu oqaatsitigut allatullu ileqqoqarnernut.

Apeqquteqaatima ullut suliffiusut qulit iluanni akineqareersimanissaat kissaatigaara.